

ՄԻՔԱՅԵԼ ՆԱԼԻԱՆԴՅԱՆԻ ԾՆՆԴՅԱՆ 150-ԱՄՅԱԿԻՆ ՆԼԻՐՎԱԾ ՀՈՐԵԼՅԱՆԱԿԱՆ ԳԻՏԱԿԱՆ ՆՍՏԱՇՐՋԱՆ

Հոկտեմբերի 11—12-ին ՀՍՍՀ ԳԱ նիստերի դահլիճում տեղի ունեցավ հոբելյանական դիտական նստաշրջան՝ նվիրված հեղափոխական ղեմավարատ, հայ մեծ դրող ու մտածող Մ. Նալբանդյանի ծննդյան 150-ամյակին:

Նստաշրջանը բացեց ՀՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը: Նա ասաց, որ Մ. Նալբանդյանը ծնվել է 1860-ական թվականներին, երբ 30-ամյա ռեակցիայից հետո Ռուսաստանում սկսվել էր հասարակական մտքի մեծ դարձումը, խորանում ու ծավալվում էր հակացարական ու հակաճորտատիրական շարժումը: Մասնակցելով այդ շարժմանը, Մ. Նալբանդյանը հայ հասարակական, դիտական միտքը բարձրացրեց ռուսական և արևմտաեվրոպական առաջավոր քննադատների մակարդակին, մեծապես նպաստեց նրա զարգացմանը: Մ. Նալբանդյանի մեծությունն այն է, որ նա ճիշտ կռահեց հայ ժողովրդի փրկության հեռանկարը, այն կապելով համառուական և համաեվրոպական ազատագրական շարժման հետ: Իր պրոպագանդած գաղափարներով, — ասաց Վ. Համբարձումյանը, — Մ. Նալբանդյանը դարձավ մարքսիզմի և սոցիալ-դեմոկրատիայի անմիջական նախորդը: Հայ իրականության մեջ: Մեր ժողովրդի հետագա պատմական ճակատագիրը հաստատեց նրա մտքերի արդարացիությունը և իմաստությունը:

«Միջայել Նալբանդյանը առաջին հայ մարքսիստների գնահատմամբ ղեկուցումով հանդես եկավ ՀՍՍՀ ԳԱ պատմության և տնտեսագիտության բաժանմունքի ակադեմիկոս քարտուղար, ակադեմիկոս Գ. Բ. Ղափթչյանը: Նա նշեց, որ հայ իրականության մեջ Մ. Նալբանդյանն առաջինն էր, որ ռուս մեծ հեղափոխական ղեմավարտների ազդեցությամբ դարձավ խոշոր փոխադաս-մատերիալիստ, համառուսաստանյան հեղափոխական ղեմավարտի փայլուն ներկայացուցիչներից և 1880-ական թվականների հեղափոխական շարժման պարագլուխներից մեկը: Նրան բարձր են գնահատել Ս. Շահումյանը, Բ. Կնունյանցը, Ա. Մյասնիկյանը, Ա. Զուրաբյանը և ուրիշներ, որոնք հանձինք Մ. Նալբանդյանի տեսնում էին Ռուսաստանի

նի նորագույն հեղափոխական ավազանում մկրտված երիտասարդության նախորդին:

ՀՍՍՀ ԳԱ ակադեմիկոս Ա. Տ. Ղառաբյանը ղեկուցման թեման էր «Միջայել Նալբանդյանը և հայ ժողովրդական բանահյուսությունը»: Զեկուցողն ասաց, որ Մ. Նալբանդյանի երկերում առկա են բազմաթիվ ուշադրավ դիտարկումներ, որոնք մեծ արժեք են ներկայացնում հայ բանագիտական մտքի անցած պատմական ուղու բնութագրման համար: Լինելով մատերիալիստ մտածող, նա բանահյուսության առաջացման հիմքը համարել է իրական կյանքը:

ՀՍՍՀ ԳԱ գլխավոր դիտական քարտուղար, ՀՍՍՀ ԳԱ թղթակից անդամ Գ. Ա. Գալստյանը Մ. Նալբանդյանի աշխարհայացքի ինտերնացիոնալիզմի քննությանը նվիրված իր ղեկուցման մեջ կանգ առավ ռուս հեղափոխական մարտիկների և Մ. Նալբանդյանի աշխարհայացքների ընդհանրության, ցարիզմի դեմ մղված պայքարի միասնական խնդիրների վրա: Զեկուցողն ընդգծեց, որ Մ. Նալբանդյանն իր ժողովրդի տնտեսական և քաղաքական ազատագրումը տեսնում էր ռուս ժողովրդի և ռուսական կայսրությունում ապրող բոլոր ճնշված ժողովուրդների ազատագրման մեջ:

Պատմական գիտությունների դոկտոր Ե. Լ. Ռուզնիցկայան (Մոսկվա)՝ հանդես եկավ «Մ. Նալբանդյանը հեղափոխական իրադրության տարիներին» ղեկուցմամբ: Մեծ գրող և հեղափոխական ղեմավարտ Մ. Նալբանդյանի անունը, ասաց նա, անբաժանելի է ռուսական հեղափոխական շարժման պատմությունից: Նա իր հրապարակախոսական տաղանդն ու բանաստեղծական ներշնչանքն ամբողջովին նվիրեց հեղափոխության, ղեմավարտի զաղափարների պրոպագանդմանը, պաշտպանելով աշխատավոր հայ ժողովրդի շահերը: Բանասիրական գիտությունների դոկտոր Պ. Հ. Հախոբյանը, որը հանդես եկավ «Նալբանդյանը ժամանակակիցների ընկալմամբ» ղեկուցումով, բերեց Մ. Նալբանդյանի ժամանակակիցների գրառումները նրա մասին, որոնք կարևոր լրացում են Մ. Նալբանդյանին՝ արժեքավորելու տեսակետից:

Նստաշրջանում լսվեցին նաև մի շարք այլ ղեկուցումներ. «Մ. Նալբանդյանը և հայ աղ-

դային-ադատադրական շարժումները՝ թեմայով հանդես եկավ պատմական գիտությունների դոկտոր Ա. Ն. Մնացականյանը, որը կանգ առավ հրեք հանգուցային հարցերի վրա: 1. Մ. Նալբանդյանը ադդի մասին ընդհանրապես և հայ ադդի աստղացման ու նրա բնորոշ գծերի մասին մասնավորապես: 2. Մ. Նալբանդյանը հայ ադդի իրավագիտական սոցիալ-քաղաքական իրավիճակի և իր ադատադրության համար նրա մշած պայքարի մասին, 3. Մ. Նալբանդյանը և արդիականությունը:

Բանասիրական գիտությունների դոկտոր Ս. Ն. Սարիենյանը խոսեց Մ. Նալբանդյանի հրապարակախոսական արվեստի մասին: Միջադդային հեղափոխության դեմ Մ. Նալբանդյանի մշած պայքարի մասին զեկուցեց բանասիրական գիտությունների դոկտոր Գ. Հ. Հովհաննիսյանը: Իսկ տնտեսագիտական գիտությունների դոկտոր Ն. Ռ. Թովմասյանը անդրադարձավ մեծ հեղափոխական դեմոկրատի տնտեսագիտական հայացքներին: Պատմական գիտությունների դոկտոր Վ. Բ. Բարխուդարյանը անդրադարձավ Մ. Նալբանդյանի գործունեության առաջին

շրջանին: Բերելով բազմաթիվ փաստեր, նա հզորակացրեց, որ 1840-ական թվականների շրջանին հանդիպելիս սոցիալական միջավայրը, մասնավորապես հոգի համար գաղութի աշխատավորության և վերնախավի միջև մշած պայքարը, կարևոր գեր են խաղացել Մ. Նալբանդյանի հայացքների ձևավորման գործում: ՀՍՍՀ ԳԱ թղթակից անդամ Է. Մ. Զյւրաբյանը խոսեց Մ. Նալբանդյանի արձակի դեղարվեստական համակարգի մասին:

Գիտական սեփայլում Մ. Նալբանդյանի կյանքի ու գործունեության տարբեր հարցերի մասին զեկուցումներով հանդես եկան նաև պատմական գիտությունների դոկտորներ Վ. Ա. Պարսաւյանը, Խ. Հ. Բարսեղյանը, բանասիրական գիտությունների դոկտորներ Ն. Հ. Մուրադյանը, Մ. Թ. Ավդալբեգյանը, Ս. Կ. Գարսեւյանը, բանասիրական գիտությունների թեկնածուներ Ռ. Պ. Նալբանդյանը, Մ. Հ. Մխիթարյանը, ինչպես նաև Ն. Մ. Թադևոսյանը:

Հորեկյանական գիտական նստաշրջանի բացմանը ներկա էր ՀԿԿ Կենտկոմի քարտուղար Կ. Լ. Դաւրբանյանը:

ԱՐՏԱՇԵՍ ԵԱՀՆԱԶԱՐԱՆ